

NOTA DE PRENSA

Exposición **MARATÓN FOTOGRÁFICO**

Concello de Vigo

XXIV edición 2019



Organiza: AFG Agrupación Fotográfica Galega

MARCO, Espazo Anexo

Do 15 novembro 2019 ao 12 xaneiro 2020

Horario: de martes a venres de 17.00 a 21.00; sábados de 11.00 a 14.30 e de 17.00 a 21.00; domingos de 11.00 a 14.30 [Pechado 24, 25 e 31 decembro; 1 xaneiro]

Presentación e entrega premios XXIV Edición Maratón Fotográfico

Dende o pasado **venres 15 de novembro**, o Espazo Anexo do MARCO exhibe os traballos presentados na máis recente convocatoria do Maratón Fotográfico "Concello de Vigo". Organizado pola AFG Agrupación Fotográfica Galega, o Maratón alcanzou neste ano 2019 a súa XXIV edición, que tivo lugar a finais do pasado mes de setembro (sábado 28 e domingo 29), ao longo de 24 horas e en torno a catro temas propostos pola organización.

A **presentación** tivo lugar o **propio venres 15**, no transcurso dun acto no que os membros do xurado deron a coñecer os traballos **gañadores desta edición**, e entregaron os premios, acompañados por representantes do Concello de Vigo e empresas colaboradoras.

O xurado, integrado por Isaura Docampo, Verónica Vicente, Paula Pérez, Roberto Alonso, e Iñaki Matilla, fixo pública a súa decisión sobre os **traballos premiados nesta edición**:

1º premio: (1.000€ + vale de 150€ material fotográfico *Profoto*)

Jose Luis Pereira Pérez

2º premio: (Cámara *Olympus* (valorada en 500€) + Reflector *Profoto*)

Belén Chorén Sánchez

3º premio: (Vale de *Sigma* de 300€ + Reflector *Profoto*)

María Isabel Santos Martínez

A exposición

Simbiose, Sinerxía, Harmonía, Espertar

Tomando como punto de partida esta edición 2019, o **Espazo Anexo do MARCO** —situado na praza peonil posterior— acolle unha mostra dos traballos presentados nesta **XXIV edición do Maratón** en torno aos catro temas propostos: Simbiose, Sinerxía, Harmonía, Espertar. De todas as obras presentadas, un xurado de selección elixiu **17 series** que se expoñen en formato panel, xunto ás obras presentadas por todos os participantes, que se exhiben tamén nun formato menor. A mostra, que permanecerá aberta ata mediados de xaneiro, é un referente para grande cantidade de persoas afeccionadas á fotografía, participantes ou non no maratón. Unha oportunidade para gozar dun conxunto de imaxes diversas nas súas características formais e técnicas, e para comprobar o xeito en que cada participante elixiu representar os catro temas con orixinalidade e coherencia.

O Maratón Fotográfico e a AFG

A Agrupación Fotográfica Galega, fundada en 1946 e aberta a todos os amantes da fotografía e do cinema, foi pioneira en Galicia e veu desenvolvendo dende entón un importante labor, con actividades de formación e divulgación como cursos de fotografía ou encontros sobre foto e cinema. Foi en 1995 cando a AFG organizou o seu primeiro Maratón Fotográfico 'Concello de Vigo', que daquela se incluía dentro das festas da Semana Grande. A partir de aí, o Maratón nunca deixou de celebrarse, se ben cambiou varias veces de espazo de exposición, evolucionou no seu formato e duración, e se adaptou aos cambios derivados dos avances técnicos e da fotografía dixital.

Hoxe en día, aberto á participación de calquera persoa interesada e afeccionada á fotografía, o certame artículase en torno a catro eixes: 24 horas de duración, 4 temas propostos pola organización, 20/25 series seleccionadas, e 3 series gañadoras.

Contactos Comunicación e prensa

AFG Agrupación Fotográfica Galega
Alfonso Durán, presidente
Tel. +34 986 43 90 96 / 649 700 952
Jesús Nieto Fernández, secretario
Tel. +34 607 457 610
agrupacionfotograficagalega@gmail.com

MARCO, Museo de Arte Contemporánea de Vigo
FUNDACIÓN MARCO: Concello de Vigo, Xunta de Galicia, Ministerio de Cultura y Deporte
Príncipe 54. 36202 Vigo. Tel: 986 113900. Fax 986 11 39 01 info@marcovigo.com www.marcovigo.com

MARCO, Museo de Arte Contemporánea de Vigo
Marta Viana Tomé
Tel. +34 986 113908 / 113904 / 113900
marta.viana@marcovigo.com
www.marcovigo.com